

靈寶无量度人上品妙經卷之二十 地十

碧落空歌品

道言昔於始青天中碧落空歌大浮黎土受元始度人空洞靈章自然之音碧落經虛天霞流曼神風鼓激萬音合響浮沉清濁抑揚宛轉錯而成歌其聲洞徹交唱諸天當於是時天地萬物無聲之類一時能言數道立教啓玄達宗一切生類通理明法元始天尊當說是經周迴十過以召十方碧落世界飛霞結縷妙於寶綱一切天人龍輿鳳葆倏忽往來若經幽竇空碧炫煥略無限礙光輝流影照一透萬中生神風徐遠得度歌吟應節虛琴法音徧無有量珠樓寶闕咸出靈韻讚道讚法讚仙勸諸天人興崇善功深悟上道天真大神上聖高尊妙行真人碧落至真自然空歌金童玉女無鞅數眾乘雲而來紺虛凝湛寒碧洞清玉馬飄輪寶纒敷隆天音妙梵隱密互作九光纏回五明泛耀七日七夜諸天內真各陞寶樓齊擊天鼓龍虎號嘯星機東搖二十四天寶宮殿中混然碧色嶽聳波

澄七辰瑩澤雲容風寂灑景舒明一國地土山川林木緬平一等無復高下天涯環瑤土玉葱蒼溟然洞歌無有異色衆真侍座元始天尊玄坐空浮九翠玉臺神龍萬珠之座說經一徧碧空洞歌群響唱善是時一國男女聽曠解關無幽不聞說經二徧華童散輝照鑑无極說經三徧碧落成音神風縷奏言詞清越說經四徧大智該廣法身普同說經五徧聞歌悟法還元復命說經六徧視身與境絮如寶珠隨方現色道空不遷說經七徧悟此空歌元非起滅震張風至音調自生入道登真理從斯得說經八徧遊官浮闕冰蕩碧虛內音清歌流轉隱顯說經九徧空洞生華湧成千界天人男女出入黃房沉碧還虛呈露道體說經十徧霞布十方歌成九奏上極大明下開幽夜天人大慶靈寶示祥是時一國是男是女莫不手結天維足躡雲網飛形上清皆受護度咸得長生

道言是時元始天尊說經一徧東方碧落空歌至真大神無鞅之衆浮空而至說經二徧南方碧落空歌至真大神無鞅之衆浮空而至說經三徧西方碧落空歌至真大神無鞅之衆浮空而至說經四徧北方碧落空歌至真大神無鞅之衆浮空而至說經五徧東北碧落空歌至真大神無鞅之衆浮空而至說經六徧東南碧落空歌至真大神無鞅之衆浮空而至說經七徧西南碧落空歌至真大神無鞅之衆浮空而至說經八徧西北碧落空歌至真大神無鞅之衆浮空而至說經九徧上方碧落空歌至真大神無鞅之衆浮空而至說經十徧下方碧落空歌至真大神無鞅之衆浮空而至十徧周竟十方无極碧落空歌至真大神一時同至一國男女聞悟法音傾心歸仰來者有如无量風雲之聲繁音大音無等之聲未覩形儀先聞如是音景若歌謠笑語讚歎悲啼環珮履屨無邊衆音闐闐而來徧滿國界非可禁止於是元始手挽碧落長縷之霞盤屈寶掌圓如碧珠光明透徹十方世界碧落空歌無外之事若近眉睫俯窺傍矚如淨瑠璃先示法筵次示大衆瞻

仰未久忽然之間擲於空中去地九劫大如
飛星元始登引天真大神上聖高尊妙行真
人十方无極碧落空歌至真大神無執數衆
俱入飛星妙光之中一切天人無不登入神
光晃耀外者見內者見外上者若附下者

若仰表裏洞鑿不知所由內外咸觀湛然同
體切處一光空歌自鳴碧霞鬱密神風鏘鏘
十方玉城融麗齊等無執天人不知所在元
始即於妙寶光聚之中說此碧落空歌是出
世道是長生法是大化源是玄妙宗十方衆
生具此聖心眼耳口鼻悉能了知一切道境
而未有不從碧落之中空生洞歌至道法音
徧一切生類音言應答由是道生論法都竟
衆真監度以授於我當此之時喜慶難言法
事粗悉諸天復位候歛之間寂無遺響是時
天人直遇經法普得開悟究識本真知此碧
霞本元始精天地既開霞精散逸經緯演布
絡如絃縷風動其間五音共作不從天造不
從緣生故知道玄自然出音聞此靈音開辨
心目乃有分別得悟道真無聲之中得聞退

唱道無終窮傾心歸仰成行大心無作無欲
無意無念無想無愛無執無得無虛無實無
滅無生言無矯妄語無忌聲齊同慈愛異骨
成親國安民豐欣樂太平經始出教一國以
道感露至心吟詠欽禮皆得度世

道言元始天尊說經中所言並是碧落空歌
天霞四飛神風潛唱擊搏生音內演諸天上
帝內名隱韻之音亦是十方神王空歌內諱
百靈之隱名也非世之常辭上聖已成真人
通玄究微能悉其章誦之十過空洞成歌神
聲速振萬帝稽首千真疎聞海平兵偃天谷
藏煙三辰駐輪權衡得運八威鼓氣辟魔喪
眼綠骨增秀靈骸返生至學之士誦之十過
則三元奉駕五帝同軒封山召雲攝御鬼營
濟病度厄絕命更生所以爾者學士身洞真
極志合青玄碧落之文刻記心骨可以召制
三界政預天司救戒地官送送魔醜壽無盡
年還形度生輕誦此章七世傳殃頂護存禮
道業興隆世世昌熾與善因緣萬試莫千靈
人降房斯經高妙獨步玉京度人无量明碧

落之音皇道宗妙真與勝

道言凡誦是經十過諸天齊到億萬祖幽
魂苦爽皆即受度上升東華青宮至歌召魂
魂知其音還來附身魂鍊悉具返生爲人能
發碧霞之玄芒濯神風以散襟而好學至經
功滿德就皆得神仙飛升玉闕遊宴碧空也
上學之士修誦是經皆即受度飛升青宮世
人受誦則延壽長生後皆得作尸解之道魂
神暫滅耳聞空歌心不迷妄去如解衣神安
悉定復爲聖民不經地獄用晦而明心與道
俱普度天人莫不受慶无量之福生死蒙惠
上天所寶不傳下世至士齋金寶效心盟天
而傳輕泄漏慢殃及九祖長役鬼官侍經碧
落空歌青帝玉童玉女各二十四人營衛神
文保護受經者身

道言正月長齋誦詠是經以開碧霞始生之
悉爲上世七魂斷寒池長夜之役生其魂神
度上青宮七月長齋誦詠是經降碧落之靈
音澤金真之剛忝使三田繫素身得神仙碧
落成文記書仙名青玉玄簡削死上生十月

長齋誦詠是經碧霞結象空洞成文玄區之音奉慶帝宸青簡執符東極授經君臣父子享德萬年四海太平世世不絕為天下君安鎮十方劫劫長存八節之日誦詠是經八風洋音碧落垂文服燕青芽得為上真本命之

日誦詠是經魂真體靈骨有玉英身得長生與道相宜不罹世患胎景光明三老錫命五帝攝京神司朝禮上天書名功滿德就飛升上清

道言行道之日皆當香湯沐浴齋戒入室

東向叩齒二十四通上閉二十四天心拜

二十四過閉目靜思身坐青黃白三色雲

赤之中良久變為碧霞內外翁冥有青龍

白虎朱雀玄武師子白鶴羅列左右日月

照明洞煥室內項生圓象光暎十方如此

分明密呪曰

无上玄元太上道君召出臣身中三五功曹

左右官使者侍香玉童傳言玉女五帝直符

直日香官各二十四人關啓所言今日吉慶

長齋清堂修行至經无量度人願所啓上徹

徑御

无上二十四天元始上帝至尊几前

引系二十四過東向誦經

元始无量度人上品妙經

元始洞玄靈寶本章碧落空歌九變度人神

音隱韻離合自然混洞太无無无其無无為

浩空空與道俱空極而明明為陽精陽精為

大火為元始洞陽赤炁赤炁之中化生黃暈

黃暈為土是為火子火土之炁九鍊而堅堅

者金性金伏為鉛鉛化為水水成木居曰青

黃白號玄元始三炁植根火力鍊之九萬餘

歲其色凝碧碧光燿耀其晶霏霏乍騰乍躍

乍伏乍飛或出或沒或步或馳陰火為風陽

光為火風火合德碧晶混離若雲若霞如東

如西神風鼓之碧霞析支支勢曲折或正或

歛圓者如環銳者如珪屈伸匪常凡不可窺

碧空落落光含四維霞張八極變化神奇天

老上帝按筆以施模為天章洞音深微雲霞

之書三元八威六十四體象各有宜龍升其

天鳳肅帝軒麟卧寶衡龜行澤邊三九五七

星帶相連奎房畢皆鎮御十天碧霞縱橫布

峙機延落猶絡也縻之無巔中空含虛風吟

其間神音自然隱顯回騫洞歌玉文靈寶祕

篇內明上真超登之言一聞空歌腦宮發煙

紫氣盈室六丁來前無歌不先無歌不明無

歌不立無歌不成無歌不度無歌不生是為

大梵碧落空歌上清神音脫離死生天中之

天鬱羅蕭臺至山上京上極无上大羅玉清

眇眇劫切若亡若存皆有碧落自然空歌歌

詠至真洞解天靈天地萬神因歌得名碧空

神音呼之即聞是生神靈及諸上真祕諱所

重因歌得明碧落之中恍惚杳冥中有玉真

口吐氤氳碧霞梵炁周回十方中有度人不

死之神東極宮中青華之君中有空歌神音

自然之神中有好生青皇九靈太妙生德之

神碧空真老天化丈人中有上清碧霞空極

至謠至真洞文天一之君度生鍊神无量度

人今日校錄諸天臨軒

東方无極碧落空歌玉音神王長生大聖无量度人
 南方无極碧落空歌玉音神王長生大聖无量度人
 西方无極碧落空歌玉音神王長生大聖无量度人
 北方无極碧落空歌玉音神王長生大聖无量度人
 東北无極碧落空歌玉音神王長生大聖无量度人
 東南无極碧落空歌玉音神王長生大聖无量度人
 西南无極碧落空歌玉音神王長生大聖无量度人
 西北无極碧落空歌玉音神王長生大聖无量度人
 上方无極碧落空歌玉音神王長生大聖无量度人
 下方无極碧落空歌玉音神王長生大聖无量度人

十方至真碧落空歌玉音神王長生度世无量大神並乘碧霄綠輿絃輪駟駕青鳳蒼甲玄龍建碧霞之節十絕靈幢前嘯玉珥齊唱後吹瑤箏同鳴神禽玄鶴和音囉囉宛與空歌協音流暢天鄉秉策元帥扶轅德乘萬騎泛碧而來歌動海嶽聲越金石傾光回駕監真度生諸天丞相上清公卿霄極神宮碧空大聖雲管四司剛風九道監山大神按錄御圖齊到帝前推校仙名嚴勅六天能知碧落洞章空歌至音神包太空系停大淵過度世厄宿命應仙普告三界无極神鄉泉曲之府自非天維所關碧霄靈臺九陽之界藉在三官列階九府十二河源上解祖考德劫種親積速復連冥考家訟罪錄所列速落惡根不得拘留度魂命仙元始符命時刻升遷夜河積屍漏瀆寒泉隱停罪役檢制形魂度品青官碧霞絡骨神音入玄召集百神九官復完生身受度劫劫長存永不輪轉與道忘年永度傷柱景休開生驚死八關超登長生過度留難逍遙上清上清之天碧落之炁梵行

東方六天一碧落之炁起角宿一度一抄一靈漸次北行 帝紫覺會英
 碧梵玄无天 帝辨極宛頊
 碧空臻際天 帝洞真飛生
 碧羅元始天 帝越常典興
 碧合澄闌天 帝惠顯乎生
 碧顏朱景天 帝重虛途
 碧宏虛曠天 帝九茹空玄
 南方六天碧落之炁起箕宿十二度一匣之抄以次北行 帝龍混覺
 碧真洞陽天 帝紫景空崇
 碧靈絳官天 帝茂極越宜
 碧霞明素天 帝元延九真
 碧无耀洞天 帝都加遠稀
 碧運始圖天 帝常無覺
 碧浩正虛天 帝定極太元
 西方六天碧落之炁起女宿三度十二抄之半以次北行近西 帝妙詢允延
 碧神照智天 帝妙弄自真
 碧冲紫耀天 帝無憂慶玄
 碧蓋梵空天 帝無憂慶玄
 碧洞霞陽天 帝無憂慶玄
 碧華開層天 帝無憂慶玄

碧梵明遠天 帝子虛太明

北方六天 碧落之天起并宿十五度二十四分之半此真第落

碧光寒華天 帝龍耀化真

碧液注延天 帝玄神太都

碧丹化炁天 帝泥樓偃京

碧廓慈明天 帝君生元常

碧落歌音天 帝浮黎妙手

碧虛礙陽天 帝妙恭太寧

二十四天二十四帝碧落隱文碧落隱名碧

落天中空洞自然空歌靈音詩天隱韻天中之音天中之尊天中之神天中玉天文天中之靈九變六合變化上清碧落之奧深不可詳數落至真普度天人靈章霞書曲折成音金清土濁木浮火輕太一為水渾然其音五炁就位五官遂成碧霞絡空神風鼓吟流商抑徵合宮蘊羽空歌合奏萬天起舞今日大慶受度碧天歷告三元請斷五箇七世慮寬削落死根續命生元出離太陰乘駕青龍存掛玉女正坐明堂下遊九宮伏藏天牢隱淪八

地出沒無方碧落至真玉音神王聚煙攝炁退絕鬼門東斗玉光西斗皓華北斗太妙南斗輝煌中斗黃雲覆我生方玉炁錯霞碧空成章青帝執竿白帝振鐔赤帝伐鼓黑帝擲鈴黃帝奉壘吹壙揚音合奏空歌碧落仙京

中有太皇服御飛青左嚙伯華右嚙君成青天王音玉文自成赤天玉音神迹天經白天王音曼石叩瓊黑天玉音萬羽蔚興黃天玉音神詠太清五天玉音碧落俱登空歌梵響詠道无名无極神王騎虎乘鯨吐火萬里飛雷鎮兵使景碧空下極查冥層割截袪誅斬鬼營諸天大魔嚴衛火兵六天作炁百靈首名清蕩羅都鬱絕洞溟揮戈揚播流矢沸鉦號呼北山鬼無逃形五帝銜命四公校籍有功者錄有過者停鬼主六目電師儲身流火騰毒八道速并敢有干試拒遏上真碧空神音自然之書玉帝之教上清之符火鈴風鐸萬神前驅普告無窮六天咸聽三界五帝列言碧虛元始玉精光傳碧備泛乎杳冥神道以敷太

空莽莽萬真關圍上浮下沉東卷西舒流彩九門景貴三途太上神公威極有無玉斧金霹萬天立呼洞章四張斑斑寶書碧霞吐芒龍翔鳳翥縷飄仙錦雲蟠寶胎碧空道英變化無無天上天下無空無冥無光無聲無色無名浩廓遐邇混一非成成與道形為玉京碧峯我我大有妙庭中有元始貌奪雌嬰披服青袍攢帶月明頭建神光足乘五靈碧霞凝空神風八衝谷神幽鳴空歌有聲是為靈寶赤書九天真文保制劫運我道永存碧落編羅萬象周張妙炁回度二十四天輪轉角氏井鬼柳房炁入上玄隨斗低昂元炁所行造化太陽炁鍊成文文錯為聲聲因風激霞精九靈音誦蕩魔下制冥河碧煙右旋總炁上元空碧冥合炁入玄玄中玉尊抱日而明徘徊龍澤檢御朱兵敢干我者戮以天丁神旗翻翠浪搖太清紫雲結華綠英散庭千離萬合鍊炁成真真中有神碧真上續霞章仙支太一高真帝宸玉輔天老同卿吹陰虛陽保命絳津上遊上清出入丹房三竅之

7-08-10

內下連黃庭白雲幽門素霜層後碧霧羅迎
下鎮人身蘭臺有宮紫玉重城中有大神號
曰無英身輝青光口嚙玉津變化自然與空
無形中理五斗敕制百靈九道還明三元應
仙仙道貴具无量度人上入玄門飛步九宸
罪禍禁戒宿命第十因緣身登華官脫離幽冥骨
鍊屍滅飛魂生身身得受生上聞諸天諸天
之上廓落仙門中有神王碧落空歌道玄之
章辭參高真

○ 第一東方无極碧落空歌玉音神王
之音

太无非神 道受其靈 化變無方
用之至神 道不顯神 至化冥冥
神煙蔚青 逍遙玉京

○ 第二南方无極碧落空歌玉音神王
之音

眇眇遠臺 花文龍書 成此空歌
碧宮路輿 周遊九天 令音簫箏
詠此道王 至真無餘

○ 第三西方无極碧落空歌玉音神王

之音
奎張惟西 落落明璣 洞碧幽杰
赤與空齋 真赤無形 真道無名
藉此空無 玉真自成

○ 第四北方无極碧落空歌玉音神王
之音

大牛玄犁 成亥臥之 陰胞已除
天斗陸離 孕育萬類 調養六儀
呱呱夜號 鬼庭散披

○ 第五東方无極碧落空歌玉音神王
之音

玄鳳在場 洞浩至陽 碧霞扇空
歌吟神風 聲遠韻微 道有希夷
我界黃丘 萬生得宜

○ 第六南方无極碧落空歌玉音神王
之音

帝乘丹車 號今天門 碧書金函
部索冥魂 鍊赤赤明 青芽發生
歌洞神音 大燒駭軒

○ 第七西方无極碧落空歌玉音神王

之音
鳥母執幢 水玉捧節 王鎖度人
九幽深雪 龍仙轉機 東井浴月
今日大慶 粗考分別

○ 第八西方无極碧落空歌玉音神王
之音

天父黃髮 錦衣萬花 口吹陽光
足踏神蟻 玉刀斷魔 鐘鼓斯鏗
斬血玄黃 碧落道昌

○ 第九上方无極碧落空歌玉音神王
之音

碧霞浩浩 彌羅玉清 印空成宇
八會洞文 植至道根 化生群倫
魏義天臺 中有帝君

○ 第十下方无極碧落空歌玉音神王
之音

壘壘剛澤 風海洞冥 玄老校籍
火煙鐵城 黑魁張牙 善獸噬形
天光時來 萬苦息伴

此碧落之上十方之中玉音神王自然歌音

誦之百徧名度青宮誦之千徧神王保迎萬
徧道備飛昇太空過度三界上清真有聞
玉音百靈衛形教制地祇出入送迎超出地
戶三災九厄七祖昇遷永離其關魂升碧宮
太一之家碧為四宮御蒙乘龍匪若黑赤斗
逆步凶碧空至真知者大通壽年无極錄記
玄功有秘上天音諸天共所崇泄慢墮地獄
禍及七祖翁

道言此洞章並是碧落神王十方玉音自然
至真神王隱秘之音皆是大梵之言非世上
常辭以明碧落空歌為至真上道大以參玄
乘化出入萬機正運玄度開世成天小以身
致神仙飛昇上清夫碧落之系於人為耳目
下通肝腎之精出坎入離晝夜用之腦戶神
纏之中當有玄丹大如粟豆出子耳中子得
而服換骨易形上為帝賓其道若成神遊碧
土洞見碧城寶樓玉闕龍虎崢嶸師子白鶴
蛟蚪至循碧落世界萬里遠巡故非世學難
可尋詳上天所寶秘於玄都紫微上宮依玄
科四萬劫一傳若有至人齋碧玉之環青錦

之紋質心依格盟告上清然後而付焉
道言夫高厚之運亦有差次三光九元亦有
隱伏至聖神人亦有隱顯末學之夫亦有人
愚凡有此災同烝皆當齊心修齋六時行香
十徧轉經空歌神音福慶自生玄真立降消
諸不祥允量之文普度無窮

道言夫未學道淺或仙品未充運應滅度身
經大陰臨過之時同學至人為其行香誦經
十過使碧落空歌之音招其魂神碧落之烝
下連骨相六腑生明真烝自生以度屍形如
法魂神徑上青宮隨其學功計日而得更生
轉輪不惑便得神仙
道言寅申失軌亦當修齋行香誦經儀璘勃
暗亦當修齋行香誦經水火激射民烝不調
亦當修齋行香誦經國界侵虞兵盜不息亦
當修齋行香誦經異氣為災民病疫癘亦當
修齋行香誦經師友命過亦當修齋行香誦
經夫齋戒誦經功德甚重上正天運中安帝
王下除毒害以度兆民生死受賴其福難勝
故曰无量普度天人

道言凡有是經能為天地帝主兆民行是功
德有災之日發心修齋燒香誦經十過皆諸
天記名萬神侍衛右列至人剋得為碧落帝
君青宮之臣諸天記人功過毫分無失天中
神王亦保舉爾身得道者乃當洞明至言也
諸天中大梵碧落空歌隱語无量音道君撰
元始靈寶碧霞玉文靈篇

東方六天
銜鏡鸞表 霞露四空 容景香期
斗胃斯容 明薄九陽 周遊至宗
會辨酉正 入走八道 丘坎鼎除
金錄月春 抱明玉野 靈章夷仲
南方六天
井主尾箕 柳張合岐 正鈴東嘉
雲龍瓊鉛 再命黃絡 遘陽壁支
忝運普口 林喚玉眸 道幾正圖
五陽交宮 蘿煖紫景 玄子散公
西方六天
蕭池禹微 珠明夜霏 鬼柳冥羅
走籍火池 洞馬調合 玉妃散夷

昂張並驅 女室相宜 陽靈曲淨
金鉉虎姬 錯帝彗辰 笑天太儀

北方六天

昆太傍由 路正獄琳 琳悔駿施

火公電侯 正笑正他 淨明仙謀

鉤合靈便 殿軍伯修 无无太架

洞臨逆樓 龍機河銘 紫微九丘

道言此碧落空歌大梵隱語无量之音舊文字皆碧霞宛轉曲折成文垂芒八會天真皇人雲迹句留筆而錄之以為正音有知其音能齋而誦之者諸天皆遣玉音神王碧空至真自然大神下觀其身書其功勳上奏諸天萬神朝禮地祇侍門大勳魔王保舉剋得遊行碧落身御青門此音無所不獲無所不辟無所不度無所不成碧落神風自然之音也故誦之致飛天碧空大神下觀上帝遠唱萬神朝禮三界侍軒群袂束首鬼精自七神風振響碧落洞清十方交暎海嶽淵澄空洞燦光照朕合明群仙稽首飛騰玉京天地曠極神音泠泠冥慧无極大量玄玄也

元始无量度人上品妙經卷之二十

正一天師清微弟子 洪百堅 製作
道教學術資訊網站

靈寶无量度人上品妙經卷之二十一 三

生化胎根斷除邪穢品

道言昔於始青天中紫霄空歌太極玄土受元始度人生化胎根斷除邪穢无量上品元始天尊當說是經周回十過以召十方始當詣座天真大神上聖高尊妙行真人無鞅數眾乘空而來絳煙捧塗華晶耀輦丹碧浮駕洞光羽輪五明錦色蓋映霞芳九氣合彩洞煥太空七日七夜諸天樓閣遙開玉毫隱顯星珠絡緯日景自停神陰舒輝金波泛澆璇璣玉衡還翰靈和注汲空海神風回混翠峯蟠偃天無游翳四氣明清一國地土山川林木緬平一等無復高下土皆作碧玉無有異色眾真侍座元始天尊玄坐空浮七宸九華明高寶座之上說經一遍諸天大聖同時稱善是時一國男女妙氣凝胎生根超秀說經二遍邪穢斷除結節通解說經三遍神棲空洞梵氣冥涵說經四遍骨有玉華顏揚金色說經五遍七世散仇福堂慶會說經六遍紫煙灌身百神愷樂說經七遍雄雌混化三一